

Prome Minister Mike Eman ta splica pakico no a kit'e completo:

No a elimina BBO full pa duna pueblo e compensacion directo

ORANJESTAD – Gobierno a anuncia cu nan ta bay elimina e BBO completo, pero awe ainda tin 1.5 porshento di BBO vigente. Prome Minister Mike Eman a bisa cu no a elimina e BBO completo, pa duna e pueblo compensacion directo. Si a elimina e BBO, toch e comunidad no a sinti e reduccion di prijs y esey nan a experiencia ora cu nan a elimina e prome parti di e BBO.

PROME MITA

Gobierno a bisa cu na momento cu a kita e prome mita di e BBO Aruba su economia tabata bayendo abou y tambe e poder di compra di e ciudadanonan tabata bayendo atras y cu cada yudansa cu Gobierno por a duna pa algo mas pa placa keda circula a yuda na e momento ey. Ta 80 miyon e suma total tabata di mita di e BBO y e la yuda sigur. Kisas e negoshi no a pas'e pa e ciudadano of e consumidor y esaki ta lago lamentabel. Pero awe mester wak si e negoshi ey probablemente a logra di mantene em-

pleado nan trabou cu e rosea cu a duna na.

DI DOS MITA

E di dos mita di BBO a keda manteni despues cu a sinta cu partner nan social den comunidad. Durante e dialogo social aki Gobierno a bisa con miho por procura pa un aporte cu Gobierno kier duna na e poder di compra na e ciudadanonan, por yega berdad na e ciudadanonan. Si elimina e BBO manera a haci'e, ta haya e critica di e ciudadano cu e reduccion no a yega pa nan. Hopi biaha e comerciante ta inclui e 1.5 porshento den su producto y no ta kita esaki ora elimina e prome 1.5 porshento cu a keda riba su producto. Awar Gobierno tin 80 miyon mas cu kier pone bek den comunidad dor di a elimina e otro 1.5 porshento di BBO, pero a dicidi hunto cu partnernan den dialogo social, cu ta bay duna compensacion. Tur esunnan cu tin salario minimo a haya un reparatie toeslag, a aumenta e bijsland cu 25 porshento, a introduci e schoolkindertoelag, a au-

menta pension di pensionadonan a duna indexering tres biaha na empleado publico, a subi e voor y najaarspremie y asina a enfoca hopi riba duna e ciudadano.

ELIMINA BBO

Prome Minister Mike Eman a bisa cu e forma aki ta mas miho cu enves di elimina e BBO. Si a elimina e BBO e ciudadano hopi biaha no a sinti e reduccion. Eman a bisa cu esaki ta conta mesun cosa pa e reduccion di prijs di awa y coriente. Ta placa cu normalmente ta drenta caha a di Gobierno por medio di dividendo y impuesto di ganashi, pero Gobierno a bisa e companianan pa calcula nan prijs asina skerpi, pa por duna un descuento na e ciudadanonan. Gobierno por a dicidi di tuma dividendo y mantene e prijs manera cu e tabata, pero a scoge pa duna un contribucion na comunidad.

BBO DOBBEL

Prome Minister Mike Eman a bisa cu e mantencion di e 1.5 porshento di e BBO, ta pa di e forma aki duna compensa-



Prome Minister Mike Eman

cion na e comunidad directamente, enves di haci esaki. Si haci un calculacion di tur e compensacion cu Gobierno a duna, por yega na un suma considerabel cu a pone bek den comunidad. Den pasado a papia di aumenta e BBO dos biaha mas halto, pero awor por mira cu a transforma e BBO den compensacion pa e comunidad. □